






黔草卷十九目錄

雜著

貴州郡縣釋名





蠟衣生黔草卷之十九

泰和郭子章相奎甫著

友人劉孟雷靜之甫校

雜著

貴州郡縣釋名

貴州布政使司

黔中 牂柯

鬼方 貴竹

靡莫 順元

貴古黔也黔之名自帝高陽氏化至交趾流沙遠跨黔西南之外禹貢雍梁之境西南皆據黑水黑水之流導自三危黔有自來矣其曰有苗者緡雲氏之後也稱苗者何若曰中夏之苗裔云爾以其習俗尚鬼故謂之鬼方易曰高



黔山 卷之六  
宗伐鬼方三年克之詩曰內曩音於中國覃及鬼方是也  
漢屬牂柯郡牂柯者戰國時楚項襄王遣將莊豪伐夜郎  
軍至且蘭椽船於岸步戰滅夜郎後人以且蘭有椽船牂  
柯處乃名其地爲牂柯牂柯繫船棧也貴州之名昉於元  
至元間諸夷降附置八番羅甸等處軍民宣慰使司及都  
元帥府於貴州通鑑所謂征交趾至八番卽此地也八番  
程番龍番羅番方番石番張番亨番是也地有貴山在城  
北二里蜀道所經一名貴人峰貴州得名以此曰貴竹者  
漢時有女子浣於遯水有二節大竹流入足間聞號聲剖  
之得男養之長自立爲夜郎侯以竹爲姓武帝威服西

南夷夜郎侯迎降封爲夜郎王又稱竹王貴竹之名本此  
一謂地產美竹故名 國初平定分隸雲南湖廣四川三  
布政司設都司於貴州永樂間廢思南思州二宣慰司建  
貴州等處承宣布政使司尋置提刑按察司領府八州七  
縣七播州平定分設二府以平越府屬貴州建州一縣四  
并宣慰司一衛十八所二與十二藩並稱行省云

### 貴州宣慰使司

貴州義與省同宣慰使司沿革昔禹貢秦漢與府同蜀漢  
建興三年諸葛武侯南征時牂柯帥濟火積糧通道以迎  
武侯表封爲羅甸國王厥後相沿諸夷雜處其部落有七



曰盧鹿蠻者即今羅羅也音相近而訛如回俗尚鬼號正

祭者為鬼主今猶謂之羅鬼居普里即今普定數出兵侵牂柯地唐元

和八年上表請盡歸牂柯地開成元年鬼主阿珮內屬會

昌中封為羅甸王五代唐天成二年羅甸王普露請率其

九部落入貢晉天福五年附于楚宋仍為羅甸國開寶間

析置大萬谷落總管府嘉定間移府於今司治紹興三年

廣西邕州置司提舉市馬於羅甸元初為羅施鬼國尋改

羅甸軍民安撫司至元十六年以李德輝奏更羅甸為順

元軍民安撫司隸八番等處軍民宣慰司都元帥府至元

二十年添置亦奚不薛總管府於司治比二十四年復添

置順元路并貴州於司治內以統降附按元史至元二十

九溪十八洞以其酋長赴關定其地之可以設官者與其

人之可以入官者大處為州小處為縣并立總管府聽順

元路宣慰司節制遂置州十二二十六年隸湖廣省二十八

年隸四川省二十九年改隸雲南省 皇明洪武初罷八

番順元等處軍民宣慰司都元帥府并宣撫安撫司順元

路貴州置貴州宣撫司六年陞貴州宣慰使司俱隸四川

布政司永樂十一年置貴州等處承宣布政使司宣慰使

司隸馬遂為定制領長官司十正統四年又以貴州衛所領長

官司十三隸之成化十一年置程番府以長官司十三隸  
府隆慶三年改設貴陽府復以貴竹司隸府今宣慰安氏



領夷羅民四十八部謂部長頭目宣慰宋氏親領夷漢民十二部謂部長頭目同知安氏親領夷羅民一部謂部長頭目共領長官司九

貴陽軍民府南寧八番

國朝隆慶二年巡撫杜拯巡按王時舉奏將程番府移治省城益以貴竹平伐二司改名貴陽府以在貴山之陽也萬曆二十九年改軍民府

新貴縣

本貴竹司地 國朝萬曆十九年巡撫葉夢熊請建邑於會城賜名新貴提學副使徐秉正記云康誥曰作新民孟

子曰民爲貴夫革其舊則新矣不可賤則貴矣顧不自新則不能新民之新不自貴則不能貴民之貴此治本也今而後令茲土者誠坐堂上而顧名思蒙曰吾何以鄙夷其民而不思所以貴之夫新之則貴之矣貴之則新之矣新之貴之則夷而華矣此天下之良也亦 聖天子所以命名意也

定番州程番

本元程延隨程番武勝軍地 國初置程番長官司成化間設程番府隆慶二年移府治於省城後設州於舊府曰定番者番苗從此底定也



右貴陽府屬州一縣一

貴州衛

明名洪武初建隸四川行都司十四年改隸貴州都司義詳省郡下衛與府同在省城

貴州前衛

明名洪武二十八年建隸貴州都司名詳省郡下衛與府同在省城

都勻府

都雲竹寨

本唐羈縻州都雲地宋置都雲縣元置都雲定雲二安撫司國初置都雲安撫司後改為都勻衛以雲之為物變

化不一取均勻之義故改雲為勻弘治間添設都勻府仍

唐都雲名也城南有都勻河

麻哈州

麻峽

元為麻峽縣尋改麻哈長官司本朝弘治間改麻哈州從麻哈江名也今江在平越城東南五里江水清深濬城而去

獨山州

明名本元獨山長官司而改為州州南二十里有獨山志云曰際平曠孤峯屹立是也

清平縣



黑州 卷之九 五  
國朝弘治八年設清平縣與清平衛同城從衛名也

右都勻府屬州二縣一

都勻衛

義見都勻府下

鎮遠府

澧溪 大田

寧夷 鎮安

安夷

地當牂柯之衝元置鎮遠沿邊溪洞招討使司鎮遠之名始此取鎮安遠人之義明因之名府城南有鎮陽江即澧水一名鎮南江受黃平與隆諸水過郡東流三百入沅水又名澧溪五溪之一也

鎮遠縣

宋為安夷縣元改鎮安縣又改為鎮遠長官司 明弘治

間革長官司設縣義詳郡下

施秉縣

古思州地元建前江長官司隸思州宣撫司 國初改施

秉蠻夷長官司正統間改為縣城北有巴施山圓峯插天

狀如卓筆西南有秉溪北流而入於洪江曰施秉者合山

水為名也

右鎮遠府屬縣二

黎平府

誠州 渠西

徽州 古州

元置上黎坪軍民長官司 明永樂十年置黎平府上黎

黎平

黎平

黎平



坪仍為黎坪所府從所名坪省為平也萬曆九年五開衛卒弄兵湖廣巡撫陳省檄僉事龍宗武討平之改軍民府

永從縣

唐名溪洞福祿州宋名福祿永從長官司邑西有江頭山未從之水出焉流入於通道縣從溪名也

右黎平府屬縣一萬曆二十九年改隸湖廣

思州府

清江沿江

寧夷思陽

唐貞觀四年詔改務州為思州思州之名始此元名思州

安撫司

明分置思州思南二宣慰司永樂間田琛與田

宗昂有隙弄兵坐廢遂改思州宣慰司為思州府思南府

有思唐山思州思南皆以山名郡名思陽郡治面陽故也

思南府

寧夷黔南

溱溪德江

漢名西南夷三國為蜀南中地唐置思州元改思州軍民

安撫司偽夏明王珍創設思南道都元帥府徙今治宣慰

田琛徙治都坪而思州分為二 國初置思南宣慰司後

改為府治東四里有思唐山方輿勝覽作唐山思之人因

以名郡曰古思唐郡南連河水北枕內江城西南三百里

又有思王山唐置思王縣元和志故老相傳漢陳立為牂

柯太守阻兵保據思邛水漢將夜郎王兵數萬破立於此

撫安百姓時人思慕遂名思王縣考漢書陳立傳陳立至



牂柯誅夜郎王興非夜郎王破立也思王之名豈為夜郎  
思邪志言似出無謂

又自婺川縣務州思王緝云味志始於宋時對集刺立為牂

唐武德元年置婺川縣隸庸州後廢庸州以縣屬巴東郡

置務州治婺川尋改隸思州五代宋元因之我明初隸

宣慰司後改隸思南府

思印江縣思印

唐為思印縣地元改思印江長官司明弘治六年改印

江長官司為縣思印江在縣治十里源出朗溪北流入德

江即古思印水也俗訛印為印縣以是名鎮遠府東南八

十里有思印山

右思南府屬縣二

石阡府

夜郎 義陽 明陽 義泉 義州 智州

本宋綏陽夜郎二縣地元置石阡軍民長官司明改為

府治西有石阡江下流而入於烏江通志云林巒環抱水

石清幽四面雖叢阻之中一壤有軒明之景金事龍逐詩

曰西郭層巒呈異石沿林曲澗擁芳阡豈石阡之義邪

龍泉縣

義泉

縣在府西一百二十里隋為義泉縣屬明陽郡唐武德二

年改屬義州貞觀十一年改智州為牢州徙治於此宋為

餘中

卷之十九

臣



珍州地元置大保龍泉長官司屬思州宣撫 本朝屬宣  
慰永樂十一年宣慰廢改龍泉坪長官司隸府至萬曆二  
十八年播酋寇龍泉長官安民志死之播平子章及巡按  
宋興祖奏設為縣 詔以安民志之子為土縣丞以酬其  
忠其祖職則世為土主簿曰龍泉者故龍泉坪名也縣治  
東有魚子孔泉四時澄清深不可測常有小魚自孔中出  
龍泉之義以此播亦有二龍泉一在播北二十里一在真  
州長官司西南六十里俱深澄莫測相傳有龍居其中今  
龍泉縣非播之二龍泉也

右石阡府屬縣一

銅仁府 萬安 定雲 常曲豆 銅江

元置銅人大小江長官司以司治有古銅人三故名 國  
初改人為仁永樂間置銅仁府郡城西南有銅崖當大小  
兩江合流中挺然竦立高數十仞漁人沒其底見三足如  
鼎得銅範儒釋老三像副使陰子淑記云銅仁府前二江  
會流間有巨石焉屹然其中前代好事作銅人像夫子及  
老佛為三教立其上廟祀以化夷民其是非雖未辨而意  
則善矣因呼此崖為銅崖其地為銅仁設長官司治之或  
云銅人像乃諸葛孔明鑄以鎮山川者郡人錢純讓詩郭  
外銅崖遠市氛千年島足枕江濱是已

餘中



銅仁縣

明名萬曆二十六年巡撫江東之巡按應朝卿改銅仁司  
上官為流請設銅仁縣義詳郡下

右銅仁府屬縣一

平越軍民府 平月

萬曆二十八年播平總督李化龍會同子章巡按宋興祖  
奏請分播地為二府二十九年 詔名遵義平越遵義屬  
蜀平越屬黔黔固有平越衛今以衛屬府為軍民府故因  
衛名衛在元為平月長官司 國朝易月為越

黃平州 樂源

古西南夷地漢屬牂牁郡唐屬播州樂源郡宋為黃平府  
領上下三曲二長官司隸叙州元改隸播州宣慰司 皇  
明洪武八府為安撫司以地皆夷獠多叛添置黃平所以  
守禦之隸四川都司十五年改隸貴州都司嘉靖間移四  
川重慶府通判駐鎮以管糧馬萬曆二十八年播州平貴  
州撫按奏設為州屬貴州貴州山箐插天獨黃平田壤平  
夷頗似江南故稱黃平

湄潭縣

本播地平播後萬曆二十九年設湄潭水名也在播東一  
百里下流入烏江經思南府達於黔江水委曲似眉故云



甕安縣 甕水 重安

本播地播平後萬曆二十九年設播東南四百里故有重安長官司宋為黃平府地元因之 明洪武八年置長官司司有重安江播又有甕水司合重安甕水二司而邑之名曰甕安

餘慶縣

本播地播平後萬曆二十九年設播東一百六十里元末為餘慶州隸播州宣撫司 明洪武十七年改為長官司今改為縣曰餘慶者仍司名也今縣城地舊名白泥 右平越軍民府屬州一縣三

威清衛 清遠 的 澄湖

本羅甸國地元為八番羅甸宣慰司地 國初置威清站尋置威清衛從站名取威遠清遠之義也

平壩衛 大疇 平原

明名本羅甸國地元為金筑府地洪武二十三年始置平壩衛城東南有上壩西南有下壩二壩既平故云平壩古稱平原平城亦此義也舊志云負崇岡臨沃壤地當衝要城壓平原山擁村墟水環郊坳四野田疇彌望皆平之義也大學士夏言為行人時奉使過平壩詩落日荒村生紫烟橫峯疊障畫屏連行雲帶雨穿松塢野水流香出稻田



黑州 卷之九  
蟲嚮空山秋榻靜月斜孤壁夜堂偏不眠起坐千憂集城  
角無端到枕邊

安順軍民府 習安

唐為羅甸國地宋為普里部元名習安州 國朝洪武十  
六年改名安順州 習安順治之義也 萬曆壬寅改為府

普定衛 羅甸 普里 普利

唐為羅鬼攸佬可剌苗所居地號普里部元初置普定縣  
尋改府又改路 國初復名府後改為衛並日里底定之義  
也

鎮寧州 普東 羅夷 和弘

漢唐宋為牂柯郡羅甸國地號普東部元置和弘州尋改  
鎮寧州 國初因之鎮定寧謐之義也 州治與安莊衛同  
城

安莊衛 納吉

國朝洪武十四年置納吉保後改名安莊衛安寧之義也  
安莊驛安莊站安莊倉皆從衛名也 御史丁養浩詩畦田  
百畝鑠山腰雨後流泉似海潮青嶂午陰看餘犢碧林秋  
靜聽鳴蜩一簾暝色人歸市萬壑腥風虎過橋更待月明  
刁斗靜滿天蒼碧夜迢迢

永寧州 連安



漢唐為烏蠻儂人狔狔所居地元置永寧州初為達安夷名打罕本朝因土酋安瓚不恭命潁川侯傅友德討平之仍置永寧州達安永寧之義也與安南衛同城提學副使馮時可詩何意且蘭甸奇蹤處處磨千崖凌一澗萬竹隱孤城月為山偏小泉因石轉清到來忘險遠幽興自平生

安南衛

尾瀨華言水下也

禹貢梁州西南境元為普安路隸雲南行省國初置安南衛安輯西南夷之義也

普安州

與古齊彌

盤州

干矢

元名普山府至元間改設普安路國初置普安軍民府以土酋那邦妻適恭為知府子普旦嗣叛陷府尋討平之永樂初置普安安撫司後改普安州普山安寧之義仍元名也

普安衛

國朝洪武二十年天兵討平土酋普旦之亂罷普安府置普安衛義詳普安州下

右上六衛四州

畢節衛

畢州

國初洪武十五年總兵官潁川侯傅友德征南置烏蒙衛



於烏蒙府境內次年班師至此以地寬廣四控皆夷路當衝要又因畢節驛名乃奏繳烏蒙衛印信改建畢節衛名從驛舊猶駐節之義也郡名畢川以響水河自東北遠治之南也提學吳國倫詩九驛途窮役未停荒城到客兩冥冥銅符柅險依三蜀鐵柱臨關鎖七星虛擬輜軒能問俗且隨童冠一傳經攬衣空館微吟好郭外羣峰遶案青

烏撒衛

巴九越章

巴明烏桓

沙越

舊名巴九兀始後名巴的甸自昔烏蠻居之唐烏蠻曰烏此者居此至阿蒙始得八甸宋烏些之後曰析怒者始併其地號烏撒部元名烏撒路國初改烏撒軍民府後增

置烏撒衛從烏蠻姓名也

赤水衛

赤江祿肇

雪峰

明洪武間置赤水衛城南有赤水河一名赤虺河源出芒部經紅土川東流入川江每雨漲水色深赤故名提學吳國倫詩萬里赤虺河山深毒霧多遙疑驅象馬直欲搗岷峨筏趁飛流下檣穿怒石過勸郎今莫渡不止為風波

永寧衛

定川界首

宋置永寧路元改永寧路總管府國初置永寧宣撫司治在馬口漁漕溪距城西八十里后遷今治為永寧衛城西南有永寧河一名水東一名界首源有三合流於衛城



南遶東北至納溪入川江灘石險惡昔不通舟洪武二十四年景川侯曹震役夫鑿之舟楫之利興焉脩撰楊慎詩永寧河水接川河今古漁商竟幾過試看江門來往岸石頭篙眼劇蜂窩

普市所 蘭州

唐為蘭州宋廢元為永寧路地 國初克服以其地當滇貴要衝置普市守禦所普市山名夷人為市於此故以名所

右西四衛一所

龍里衛 雲從龍架

元名龍里州 國初名龍里衛城南一里有龍架山為衛之鎮山詩云雨餘翡翠香猶濕日映芙蓉翠欲流衛名以此

新添衛 麥新葛蠻

宋為麥新地嘉泰初土官宋永高克服其地以子宋勝守之乃改麥新為新添元置新添葛蠻安撫司 國初增置新添千戶所尋陞為衛城西有麥新溪新添之名本於麥新溪也

平越衛 黎我平月

宋號黎峨里等寨元置平月長官司 國初始置平越衛



仍元之名但易月為越耳

清平衛 仙山

明名洪武間置清平堡尋改清平衛苗夷清平之義也

興隆衛 狼洞

宋為黃平府地號浪洞 國初洪武間穎國公傅友德征南以地當西南要害始置興隆衛城北一里龍岩山下有龍洞一名狼洞山石斬然水色深碧四時不竭故老云昔有龍居其中每雷雨則蜿蜒飛出所謂龍潭靈異是也郡人周瑛詩吞吐烟霞若穴裏倒懸星斗石橋邊故郡以興龍名今衛改龍為隆

黃平所

宋名黃平府 國初政府為安撫司以地皆夷獠多叛添置黃平守禦所仍宋府名也貴州諸衛羣蠻羶醜惟黃平地稍平夷云

右下六衛一所 都勻衛名義見前

黔記小序

大事記序 二條

國之大事在戎黔極西鄙故紀黔事之大者十九戎也予讀漢史西羌傳武丁征西戎鬼方三年乃克唐稱鬼主宋元稱羅施鬼國今猶稱大鬼主羅鬼云三年克之孔子傷



其憊至於今而有播之役二月出師六月克敵 皇上英武遠過高宗顧三省帑藏如洗死亡相枕不待三年亦憊矣嗚呼唐憊於南詔元憊於蛇節 明一憊於米魯再憊於銅人三憊於爐山四憊於夜郎故議兵於西南夷者不可不重也作大事記上

黔故西南夷元以前夷耳元始置順元路稍有事可書然曰八番曰亦奚不薛猶夷之也我 明洪永間漸郡縣其地與楚蜀滇鴈行上置兩臺三司下設郡州衛所而產茲土者文武科第代不乏人元以前未有也事之巨者不勝書矣作我 明大事記下

星野志序 三條

貴州彈丸地耳地既有野象當有星黔地隣楚蜀總之不出鶉首鶉火鶉尾之次若必云某郡屬某星某衛屬某星則鑿矣今首列星野總圖次列六家之譜又次載漢晉唐書及三志諸家之說而附以蠡測作星野志

星野之說予甚惑焉惟唐一行有言曰懸象在天其本在地星之與土以精氣相屬而不係於方隅其占測以河山爲界而不主於州國古今言分野者莫精於此矣蘇伯衡又曰分野指列宿所屬之星土古書已亡列宿紀天運日躔之度舍曆家取證因度舍所在而妖祥見焉則所屬之



地亦可徵矣觀此則分野不可以方隅測而星土精氣相屬之說古書無存予將安徽矧貴州古荒服地曩未隸十二州予又安所憑以分屬哉大明一統志云貴州禹貢荆梁二州之南境亦意之也黎平鎮遠稍近楚故屬荆都勻永寧貴陽普安稍近蜀滇故屬梁此就地以窺天因形以占象古圖書不載也古圖書且無貴州惡得有貴州星野無已惟以星經與帝王世紀互考而並論之星經曰熒惑主輿鬼柳七星張翼軫太白主奎婁胃昴畢觜參審如是貴當荆州南境應屬太白應主奎婁胃昴畢觜參星經又

貴當梁州南境應屬太白應主奎婁胃昴畢觜參星經又曰王衡者謂斗九星也王衡第二星主益州常以五亥日候之乙亥為漢中丁亥為永昌巳亥為巴郡蜀郡梓柯辛亥為廣漢東亥為犍為凡七郡第四星主荆州常以五卯日候之乙卯為南陽巳卯為零陵辛卯為桂陽癸卯為長沙丁卯為武陵凡五郡審如是貴當益州南境漢為梓柯郡應以巳亥日同巳郡蜀郡候之貴又當荆州南境而近武陵應以丁卯日候之世紀曰天有十二次日月之所纏也地有十二分王候之所國也黃帝受命乃推分星次以定律度自井十六度至柳八度曰鶉首之次於辰在末謂



之叶治於律爲魁宿斗建在午今秦分野自柳九度至張十七度曰鶉火之次於辰在午謂之敦梓一名大律於律爲林鍾斗建在未今周分野自張十八度至軫十一度曰鶉尾之次於辰在巳謂之大荒落於律爲夷則斗建在申今楚分野審如是貴州南境應屬鶉尾之次當梁州南境應屬鶉首鶉火之次夫貴於秦遠而梁州雍州州相近也貴於周遠而井鬼柳張星相近也貴州之星野其大縣不過如此若必欲屬秦中鎮遠銅仁於某星某度屬都勻貴陽普安於某星某度即起昆吾巫咸唐篋甘公而問之恐亦無以置對今遠自邊固以及唐志凡屬荆梁秦者悉昉列之近自一統志以及貴州新舊通志凡議論考辨悉備存之以俟後之君子考鏡焉

新志以貴州分野專屬井鬼確然有據則井鬼二星不可不詳考者晉天文志出李淳風手似若明晰乃以東井輿鬼屬秦雍州貴中由蜀保寧入漢中不甚相遠屬秦雍州猶可言也乃晉志雍州之下列雲中定襄等郡又於貴中若風馬牛豈晉志誤邪抑洪容齋所謂蔽於天而不知地邪新志直引鬼方羅鬼等名爲證予亦未敢深信宇內地名偶與星同者多未聞井陘屬井亢龍屬亢房州房陵屬房也惟星經載熒惑主荆州主輿鬼柳張貴實近荆州屬



鬼柳似近之然亦未知其終合否也籍今易辨一行伯衡之說何以紛紜哉

輿圖志序 四條

貴州一線路外即苗穴矣即苗即賊不窺吾路則窺吾城故圖疆域之遠近道里之險易令守路者知其去來之踪圖城郭之廣狹民居之疎密令守城者曲爲平陂之防庶於彌盜少有裨乎是吾作輿圖意也

自貴陽而東名下路爲郡七爲衛十顧路則一線也危矣予穿萬山中復得一路舊路從鎮遠偏清至省七日新路從鎮遠石阡龍泉遵義至省九日辟之鼻二孔無幸窒一疏其一尚可呼吸不者死矣詳圖記中

禹貢曰華陽黑水惟梁州黔固梁之南境荆之西裔也殷爲鬼方周爲靡莫之屬戰國楚項襄王遣將莊蹻略地黔中黔之名始此嗣後漢夷雜居分合靡常或郡或邑名以代殊自三代以及宋元本之正史代爲攷究總屬之輿圖志

黔自國初以來西南旣平設衛所以武功領之率諸酋長共提邊圉其後經略稍定漸碁布而郡縣之視前代固有間矣予撰輿圖志於我明獨詳備焉遵一統志參以舊新通志庶幾一覽而地方之故可知也至於斟酌世時



之宜共圖磐石之安監司守令當加之意焉若貴州之名  
自宋已有考宣和元年田祐恭加貴州防禦使嘉定庚午  
宋末高陞貴州經略安撫通志謂貴州名始於胡元誤也  
特以貴州名省自我 明始耳

### 山水志序

禹貢序山江史記志溝洫班氏漢書名山巨水略著郡國  
亦董董者山海經水經詳哉乎言之矣大禹主序山而水  
歸詳綴桑欽主序水而山頗寓列至分東西界南北二經  
一例子倣二經作黔山水志詩文臚列於下從景純道元  
注例也橋架於水附梁於水猶眉之於目輔之於牙也即  
經橋陽關水經不廢也嗟乎黔有餘者山不足者水山有  
餘故姦穢而苗肆水不足故賈稀而貨詘即愚公神禹復  
起如黔何哉

### 災祥志序

春秋書災不書祥亦不言其應令後世自觀省而已然將  
興禎祥將亡妖孽和氣祥垂氣異每每竝言之程子曰因  
災異而脩德無損因祥瑞而自恃則有害政不嫌於竝  
識也黔固南服一隅耳災祥之見歷歷可紀福生有基旣  
生有胎誰謂無與人事哉鳳集文廟而科第興虎號東山  
而叛苗熾其故可知已司土者容可以爲茫昧而忽之邪



作災祥志

羣祀志序

有司祀典載 大明會典甚詳顧黔中辟迭夷俗躡鬼恐未盡協於制故特載會典於前遵王制也諸祀未奉 勅而實有功德於民者次第附於後以義起也即會典亦云忠臣孝子功利一方壇場廟宇有司脩葺依期齋祀勿之禁矣若有功於斯文如王文成孫文恭等祠另附之儒學之後作羣祀志

藝文志序

予讀周官有外史掌書外令掌四方之志漢劉向校書條其篇目據其指意錄而奏之周漢文治之隆豈偶然哉黔自立國以來人文未著作述亡考至我 明郁郁乎盛名公茂士揚扈二酉搜羅百家蜚聲作者之林彙皆有集可傳至遷客流人如王伯安鄒爾瞻之類著述於黔者皆為山川增采予倣漢書藝文志撮拾篇目間敘其立言之旨學者循是求之黔一代人文可得而攷鏡矣作藝文志上下

學校志序

元以前黔故夷區人亡文字俗本椎魯未有學也黔之學自元始元有順元路儒學有蘭州儒學我 明洪武二十



六年設貴州思州二宣慰司學永樂間廢田氏思州宣慰司學亦廢已而思南思州鎮銅黎平五府學以次建焉比各衛州縣學亦以次建中間沿革具詳各學萬曆二十八年播平又益以印江縣學又議改平越衛學普定衛學俱爲府學又設黃平州學新貴縣學而學益備通一省論有衛而無學者貴州貴州前衛永寧普安清浪是也有州而無學者鎮遠永寧是也有縣而無學者鎮遠施秉銅仁餘慶甕安湄潭是也有衛學政府學者都勻平越普定是也有先有學而後革者永從是也有先爲府學後爲州學者定番是也嗟乎上之人不難捐廩餼開制額廣勵學官網

羅人才下之人有願建學有不願建學茲其故殆難言哉

### 職官志

昔百里奚飯牛牛肥秦穆公問焉奚曰臣飲食以時使之不以暴有險先後之以身牛是以肥夫民一牛也肥牛者任牧肥民者具官黔城下胥夷路旁即苗罔兩與俱犬羊相聚而黔官不具矣土司夷也武弁統袴也諸郡守半任子猶世祿之子也州縣絕甲科又半出調簡則糞除之餘也兩司不即補補者乘款段而來來者不突黔而去無肯以身養瘴也即有賢者銓曹萬里不即知即知不即遷誰肯以身坐井也志列黔官似燦然備矣而烏知十不一二



具哉雖然賢者不擇官不擇地牛尚可肥而况吾氓肥民  
之方具載 高皇帝責任文而官於斯者俱未之目詳刻  
於右敢告司牧

貢賦志序

黔本夷區唐宋為羈縻州牧 明翦田楊二宣慰而郡縣  
之始鴈行蜀滇顧山巖叢林田疇蜂房自 國初至嘉靖  
未丈量也今 上十年始度田田始有額乎作貢賦志分  
為十目以十年度田額及播平後度平越田額總紀之首  
曰田土有田必有農次曰戶口有田必有糧有役次曰稅  
糧曰條鞭凡官於茲土者無論文武有俸次曰官俸衙所

碁置屯堡星列次曰屯田屯糧屯糧餉軍例有差等次曰  
月糧貯屯有倉次曰倉庾每歲屯糧董支春三月若夏秋  
冬印於楚蜀次曰協濟夷人貢馬貢砂及各稅課司之權  
商雖董董刀圭亦土之毛也不可無紀故以貢額課程稅  
鈔終焉嗟乎槩黔之賦不足以當江南一小縣出自夷落  
者崛強不即輸故典目倉丞等官餓死不得返出自楚蜀  
者秦越不即納故衛所哨募等卒枵腹不得飽司黔計者  
日慄慄也播難初發藩司董貯六千金聞之總督李中丞  
中丞曰簞瓢陋巷之家何以為斬將舉旗之事趙方伯健  
嘗語人曰吾官名方伯一赤赤窶人子耳茲雖戲論實為



名言予拮据六年計無復之矣後之司計者尚慎之哉尚  
慎之哉

兵戎志序

善乎晉士季之告彘子也曰備之善楚無惡除備而盟何  
損於好若以惡來有備不敗且雖諸侯相見軍衛不徹警  
也彘子不可而有必之敗黔本夷落強為行省四顧皆苗  
惡乎不備自 國初以來至於今上下衛所如率然有堡  
有關有哨有卒載諸方冊犁然備矣嗟乎此圖中之驥不  
可責千里予入黔而有播與皮林之役所謂率然者不能  
向賊遺一矢是備猶不備也夫竭楚蜀之餉養不備之戍

而欲備召募之卒不能備召募之卒謂士季語為之竊  
矧四方之以委來者日紛員也作兵戎志

平傳志序

黔郵傳之苦予查婁疏於 朝下兵部議兵部婁為 題

覆而楚滇竟視為秦楚也且奈之何其詳具協濟志中予  
不得已於黔武舉策復為饒舌其略曰 國初開設黔藩

以通滇南軍衛各有驛馬土民自僉走遞其供億猶省哉  
後道路四通皇華職貢不日不月而冠蓋徼馳者首相望

也差繁費浩遞更遞脫出馬之土民已怨甚楚代役之客  
子競適樂郊其賞緣罔利者則市井猾棍與豪舍之頑鈍



無耻耳既以增銀要官府復以私幫索小民脂膏已竭谿壑未厭鄰封之協助幾何欲民不窮且困得乎說者謂馬出於民力借於軍不度中酌處軍與民且交斃諒已夫蝮蛇螫手壯士解腕非不愛腕也知毒之不止於腕也私幫之股削胎害孰與通融加派明增其馬值馬戶以揭借逃累孰與蚤發公帑而時其給買徵額一定慎遴募役敢挾抗為亂首者罪勿赦仍嚴其限制冒濫者無曲徇倚公強索者無長姦法信四時倒懸解而郵政肅矣或曰黔地最爾惟滇貢輸輿衛是供黔無關即滇之利厚濟而增其舊亦調得一術乎或曰環黔三十餘驛驛歲費二千金共六萬金以通滇之車馬滇歲協濟止千五百金是為富滇弊貧黔也無已以上衛令滇走馬而黔止專力於下衛可乎不然令滇開金沙以通舟於蜀走泗城以通輿於粵以採黔郵之窮可也又不然四衛還楚而四衛之郵并以屬楚可也奈何利盡歸楚而害獨詒於黔也此一策也嗟乎題請之疏既不能必得於鄰省武舉之策又安能必行於地方空言無益雖切何補惟有仰屋竊嘆而已

### 公署志序

公署宮室一統志志之矣公署以敷政宮室亭榭以怡情闕一不可顧止載其名未著其文夫阿房滕閣創自政嬰



而以杜王重岳陽畫錦跡在楚韓而以范歐著黔古荒服  
入明而縉紳先生始遊宦其地如王文成之何陋軒張  
鶴樓之讀書堂誦其記語何遜前哲故予志公署官室輒  
錄其文美則愛愛則傳非徒備公府之區宇紀棟隆之繕  
造已也

公侯伯總兵叅將都司守備表

國初雲南梁王阻兵上廩 聖慮遣兵入滇路由黔中於  
是有穎國公友德永昌侯玉西平侯英等之命五開梗化  
於是有楚湘二王信國公和等之命永樂間黔中弗靖於  
是有鎮遠侯成等之命正統間麓川不庭於是有靖遠伯  
驥等之命黔即徧小而界在楚滇苗棘之間勢不得不遣  
大將以重彈壓故公侯伯之擁兵於茲土者幾三十人

守令表序

據圖經黔得郡十北與滇齊比蜀尚多其一而覈其糧料  
其民不足以當巴之一縣而不得不設守置令者民淳俗  
夏即數百里一縣不爲踈俗夷民苗即數十里一縣不爲  
密譬言之頭蟲髮亂櫛不密蟲不落不亂即數齒之櫛  
亦足理髮故爲黔守令者貧于他省而艱難百之當事者  
奈何察賢愚而關其不一念其貧瘠艱苦邪

明興以來勉恩表



封贈之制上以勸忠下以明孝令典也追王太王肇於姬  
家尊太上皇載在漢紀顧豈獨帝王尊稱哉漢文七年令  
列侯太夫人夫人無得擅徵捕則漢法也沈約有謝母封  
建昌國太夫人表則梁制也由唐而宋制誥之文不可勝  
紀迨於我朝明 覃恩考績即庶官得沐綸綍六品以下  
給勅五品以上給誥遂為定制黔中自元以前奔為夷區  
亡縉紳先生即有制誥不過羈縻土夷耳黔中而有縉紳  
縉紳而得制誥自我 明始至於任子董申御史以死難  
得之蓋亦難矣作 明興以來馳恩表 土酋三十八人

宦賢列傳序

西界

三

明

黔自莊豪滅夜郎後在漢為牂柯郡在蜀為興古郡在晉  
為平夷夜郎二郡唐宋為州元為路我 明為省張官置  
吏仁賢輩出論戰伐則武侯亮威侯毅光祿國傑穎國友  
德鎮遠成論勳業則程襄毅信鄧襄敏廷瓚鄒莊簡文盛  
梁端肅材張敏惠岳席文襄書論理學則徐莊裕問徐波  
石樾蔣道林信馮緯川成能論文章則田叔和吳明卿論  
節烈則張知州懷德問方伯鉦楊廉使最胡知府信論循  
良則彭方伯韶孫黎平宗魯周鎮遠瑛皆表表著見於徼  
外為西南夷所信畏者作宦賢列傳

遷客列傳序



邊圉瘴鄉稱惡地者唐以播宋以新恩是時黔非不惡也  
介在蠻壘尚阻聲教未列流官亡逐臣跡至我 明設貴  
州而郡縣之播與新恩之惡歸之鬼方故凡得罪者悉置  
黔以禦罔兩自平播後 上益知黔惡二三年來科臣謫  
黔典史者楊永從天民王鎮遠士昌陳銅仁維春郭印江  
如星謫黔幕者許經歷子偉包都事見捷張經歷正學部  
臣謫黔者夏通判燠黃經歷龍光曹照磨文緯知縣謫典  
史者楊新貴明盛謫幕者袁經歷應春於是八番七星間  
蔚然麟數鳳穴嗟乎王伯安以龍場悟良知鄒爾瞻以龍  
山悟仁文黔何負遷客哉又惡知昇日者諸君不伯安爾  
瞻也

### 寓賢列傳序

自昔寓賢捐墳墓離親戚而僑寓他所其故有二世治則  
樂其山川足供吟眺鴻漸于磐魚依于藻得其得而適其  
適如歐陽永叔之寓潁州蘇子瞻之寓宜興是也世亂則  
樂其遐逝足避兵戈猶夏之就清冬之就溫可以無逢於  
寒暑之蓄如管寧之寓遼東朱子之寓建寧是也若貴州  
山洞棘荆既匪樂土苗夷叢沓矛戈相尋舟而不遊道而  
不徑乃亦有賢寓於茲土彼皆流離困苦中執難返枌榆  
歸邑里不得已而居焉者故董董十餘人作寓賢列傳



鄉賢列傳序 二條

黔自明以前夷區也馬援所不通陶璜所未開辨髮左衽之酋木衣卉服之長自五溪以及八番在在而是即唐宋元盛際間有解辨請職回面受吏不過羈縻之而已方其時非我族類又惡得賢我太祖始衛所之已成祖復郡縣之徙中原武族填實茲土今所稱鄉士大夫皆中原裔也故自明以前董董七人明興自張京兆黃尚書以下不可勝書非古之賢而今多才也古夷而今華也二祖用夏變夷之功於茲弘巨矣若土司賢者附於其祖父後作鄉賢列傳

明興二百餘年貴州武功積官至都督者六人石虎烈矣身經五十陳斬敵數千級銅苗兩勤王師至石始定厥功最懋奔張次之麓川之征乖西之撫皆其功之榮榮者特身未總兵符耳王通郭青揚仁又次之爛土烈為州縣逆酋桴鼓不警凱口平而復叛通青猶仁之兄平安大朝又次之舊志亡傳焉今特表六人者於傳首自王壁張朝以下或參閭或守備或開拓城池或轉輸芻粟或登陴墨守或搗堅輸攻舊志所載者仍為臚列作鄉賢武勛列傳

忠孝列傳序

予聞之忠臣之義孝子之行取之土土者五行最貴者也



莫以加矣五聲莫貴於宮五味莫貴於甘五色莫貴於黃  
五行莫貴於土五常莫貴於忠孝故曰忠孝者地之義也  
明興聖教隆治貴州即險遠忠臣孝子代有其人如吳  
得并乎臨難捐生 高皇帝有烈丈夫之稱盛全剖肝藥  
母林見素有盛孝子之歌此其卓卓著者顧予所採皆死  
忠死孝事非謂必死而後為忠孝也死固忠孝之極也卜  
子曰事親竭力事君致身夫死竭矣致矣作忠孝列傳

棲逸列傳序

棲逸與寓賢遷客異遷客既通籍於 朝或以言事或以  
誑誤而謫遐方如李太白王伯安張子儀鄒爾瞻之類其  
賜環歸來者多也寓賢者東西南北之人寄寓此方或遷  
徙尺籍而非得過於朝者也若棲逸者生於黔長於黔不  
求聞達膏肓泉石眎寓賢更避世顧不數數見此仲尼所  
以序逸民士安所以傳高士與

淑媛列傳序

予讀列女傳所采多奇節夫奇節非婦人幸也遭遘不及  
綱常攸繫毅植孤雛保完家世良亦苦矣然從容牖死恩  
綸載錫猶足為閨闈之光女壘之貴也若乃行露與厭危  
之嗟臨難多犬羊之逼一貞自矢九死如歸身膏林莽究  
震雷雷豈非節烈之最者者乎故特著之篇而守節者有



才智者彙爲之紀嗟乎南國被文王之化導召伯之教李  
女多露相感而貞而八番七星諸婦無文猶與居夷而學  
則尤難之難者作淑媛列傳

方外列傳序

方以外謂之二氏顧二氏之學亦未易言矣道德爲父神  
明爲母清淨爲師太和爲友此老氏之學也大慈悲爲軸  
智慧爲輪精進爲馬戒定爲銜忍辱爲轡總持爲轡勒此  
佛氏之學也是豈可易諱邪千里一士百世一聖黔中幾  
何而方外者幾二十人如上陽子張三丰其名頗著餘就  
舊志紀之其果有得與否予不知之矣

土司土官世傳序

貴州土司有二有武銜者宣慰使同知安撫使正長官副  
長官土千戶百戶之類是也有文銜者土府同知通判推  
官土州同知土縣丞主簿巡檢之類是也長官司有屬宣  
慰司安撫司者有屬府州縣者有屬衛者武銜土官與屬  
宣慰安撫司長官專用目把漢把夷而夷者也文銜土官  
與屬府州長官事統於郡守州守縣令而佐之夷而漢者  
也屬衛長官與衛官世姻官相統率而勢難稱制不夷不  
漢者也故今悉歸之府及駐鎮廳者以此嗟夫土司連衛  
國家之害土司讎殺國家之利連衛者解之讎殺者任之



則其勢自弱因其弱而改之分之地方其有攸賴哉故制西南土司不專論干戈也

### 諸夷序

貴州本夷地一路諸城外四顧皆苗夷而種類不同自貴陽而東者苗爲夥而銅苗九股爲悍其次曰獠獠曰獠獠曰八番子曰土人曰峒人曰蠻人曰冉家蠻曰楊保皆黔東夷屬也自貴陽而西者羅羅爲夥而黑羅爲悍其次曰宋家曰蔡家曰仲家曰龍家曰楚人曰白羅皆黔西夷屬也諸苗夷有團峒而無城郭有頭目而無君長專事鬪殺何知仁義語言不通風俗各別惟羈縻之使不爲亂而已舜用干羽漢武封夜郎武侯縱子血獲宋藝祖不通滇南何其慮之深長邪若欲盡繩以漢法未有不駭而亂者犬之吠羊之觸其責豈盡在犬羊哉

### 古今西南夷總論序

貴州故非行省合楚之黔蜀之播滇之南境而爲省也其實古今胥稱西南夷漢以前詳遷固范氏唐以後詳宋史脫脫氏今悉載之以備參考嗚呼漢唐宋元即云郡縣令夷族世入貢猶然一蠻夷君長我明郡縣與前朝大異十郡六州十縣俱設流止二宣慰及諸長官司仍土嗚呼堂堂天朝豈富諸司疆土哉順則土逆則流用夏變夷



求又邊氓焉耳

蠙衣生黔草卷之二十

泰和郭子章相奎甫著

友人劉孟雷靜之甫校

雜著

雲南郡縣釋名

雲南布政使司

雲南通志曰雲南古梁州域西漢元狩間彩雲見於南方遣使跡之至此後代因置雲南縣尋改雲南郡 國朝因之立雲南布政司統二十四府治於滇池史記滇水源廣末狹有似倒流故曰滇漢武帝既開西南夷謂九州之外



復益一州故曰益州東漢書曰永昌郡有雲南縣南中志曰縣西高山相連有大泉水周旋萬步名馬河縣西北有數十里有山衆山之中特高大狀如扶風太一鬱然高峻與雲氣相連結因視之不見其山固陰沍寒雖五月盛暑不熱廣志曰五月霜雪浩然由漢書言之雲南之義似以雲氣相連名不知通志彩雲之說又何所據

雲南府

鄯闡  
益州

滇國  
建寧

唐虞爲南交昧谷之交三代時國曰鄯闡戰國楚莊躋略地至滇池因王其地號滇國唐武德初置雲南郡 明洪武中改雲南府義與省同

昆明縣

昆明  
滇池

隋爲昆州境元置善州領昆明官渡二縣後州廢縣存尋又併官渡入焉 明因之元史曰地有昆明池五百餘里夏潦必冒城郭張立道爲大理等處勸農使求泉源所出池其水得地萬餘頃皆爲良田云昆明池卽滇池一名滇南澤周廣五百餘里合盤龍江黃龍溪諸水匯爲此池中產衣鉢蓮花盤千葉葉分三色下流爲螳螂川中有大小臥納二山史記滇水源廣末狹有似倒流故曰滇漢武帝欲伐滇國於長安西南穿昆明池象之以習水戰郎中司馬遷元封元年奉使西征巴蜀南略邛笮昆明還報命卽



此昆明也唐高宗問漢武開昆明池何年許敬宗對曰元狩三年將伐昆明實為此池以肄戰凡唐人所咏昆明池皆長安鑿池非滇池矣 明顧應祥有昆明池歌則滇池也歌曰昆明池延袤數百里千山萬山直自崑崙來諸山之水匯于此相傳其水顛倒流滇池之名此由始左有金山右有碧雞峰瀾漫浩瀚緲無際但見洪濤巨浪旦夕排蒼空青天忽驚白日起霹靂震撼蛟龍宮天兵水恠九首八足不可以名狀時復出沒于其中有時風恬波浪息一碧萬頃開青銅其廣也如此胡為乎不在九域之內不得與五湖七澤相爭雄神禹治水跡不到穆王八駿難為窮漢武鑿池徒彷彿王褒將命何匆匆唐宋以來各僭據聲教不與中國通天開景運聖人出一掃海內群邪空五服挽首授命歸提封侏儻椎結之類吾不知其幾千萬種禮樂不異車書同眇余生當全盛日觀風雨度乘青駝古來多少豪傑士局于偏安之世不得一洗瑰磊胸百年過眼一彈指得此勝覽一奇逢振衣獨立太華頂狂歌目斷孤飛鴻

富民縣

梨州 梨瀆

唐初為西寧州地貞觀中改西寧曰梨州烏蠻酋些門些末始架馬舉龍城號梨瀆旬梨一作黎至元初立梨瀆千



戶所後改富民縣 明因之民可使富之義也陳方伯敬亭富民新遷縣記曰富民縣其地有川原土田之美故所植多嘉穀而其野沃其民多務稼穡耕耨之業故所積俱饒裕而其性淳疆里抵南甸武定之交故民生多蠢朴而其習陋

宜良縣

羅哀 大池

大赤

元初立宜良及大池千戶所至元中改置宜良州後改縣明因之宜良無所考按宜良近富民富民舊名黎灤豈訛為宜良邪

羅次縣

羅部

唐前古歷磨呂村本烏蠻羅部農彈所居地時大理高量成令高白連慶治其地至元中因羅部置羅次州後改為縣 明因之羅次者羅部蠻所居也今縣北有羅部城

晉寧州

陽城

漢滇池縣晉隆安初置晉寧州州為晉所寧也 明因之

歸化縣

安江 大吳

漢安江城昔吳氏居之因名大吳籠後為些莫徒蠻永偈所據元初隸呈貢千戶所至元中改置歸化縣遠人歸王化也 明因之

呈貢縣

歲貢



漢有故城曰呈貢城世為烏白此門些莫徒阿茶棘五種  
蠻所居之地元初立呈貢千戶所至元中改為晟貢縣  
明改晟為呈仍漢城名也

安寧州 螳螂川  
連然

唐武德初置安寧縣元至元初立安寧千戶所後改為安  
寧州 明因之州有安寧河也源出州東經富民縣又東  
至羅次縣為沙摩溪至祿豐縣為大溪至易門縣為九渡  
河流入元江府界

祿豐縣 祿琿

漢古祿琿甸白村昔烏棘蠻居之宋時大理高智昇子義

勝治其地名祿豐至元中立祿豐縣因江中有石如甑  
俗名祿琿譯謂祿為石琿為甑訛為今名 明因之

昆陽州 昆州  
巨橋

隋南寧夷蠻訖降拜昆州刺史元至元中改為昆陽州昆  
明之陽也 明因之

三泊縣 那龍

漢爨獠蠻所居之地元至元中於那龍城置三泊縣 明  
因之三泊溪也

易門縣 夷門

漢烏蠻翁仲磨由另所居之地元初立漢門千戶所至元



中改為易門縣。明因之。元史曰：縣西有泉曰漢原，訛作易門。蠻語謂漢為水。

嵩明州 長州

古滇國地。烏蠻車氏等居此。後為杞氏所奪，因名杞磴。昔有人築金城于此，曰長州。因築臺與蠻盟，故名其地曰嵩盟。明因之，更盟為明。一統志云：盟蠻臺在嵩盟州治南。元史云：昔漢人居此，及烏白蠻強盛，漢人徙去，相與會盟於此。因號嵩盟。雲南通志云：孔明與諸蠻盟此。

右雲南府領州四縣九

大理府 昆彌 羊咀 咩城 白崖 西河 南寧 大禮

唐麟德初於昆明之弄棟川置姚州都督府，治葉榆、洱河。

蠻其渠酋有六，各號為詔夷。語謂詔為王。其一曰蒙舍詔。

今蒙化府其二曰浪穹詔。今浪穹縣其三曰鄧賧詔。今鄧州其四曰施

浪詔。今浪穹縣其五曰摩些詔。今麗江府其六曰蒙雋詔。今

昌兵將不能相君。長開元末，蒙舍詔皮羅閣合五詔為一

號南詔，治太和城。至閣羅鳳號大蒙國，鄭買嗣既滅蒙氏。

自立，改國號曰大長和。趙善政既滅鄭氏，改國號大天興。

楊干真既奪趙氏，改國號曰大義寧。段思平欲襲楊氏，外

兵渡江，莫知所從。見江尾一婦人被嬰而浣者，指曰：人從

我，江尾馬從三沙矣。爾國名大理，從之得濟。既逐楊氏而



有蒙國遂改國號曰大理中移於高昇段氏復興號曰後  
理國元至元間改置大理路 明洪武十五年改為府一  
統志云異年尋改大禮國段思平更號大理文獻通考亦  
云南詔豐祐死坦綽會龍立志朝廷不弔恤又詔書乃賜  
故王以草具進使者而遣遂僭稱皇帝建元建極自號大  
禮國懿宗以龍名近玄宗嫌諱絕朝貢元史亦云蒙號大  
禮段收大理更詳之

太和縣 葉榆

漢葉榆地唐書曰開元末皮羅閣逐河蠻取太和城又襲  
大蓬城守之囚城龍口夷語山坡陀為和故謂太和以處

閣羅鳳元立縣曰太和 明因之一統志云太和城在府  
城南一十五里元郭松年大理行記曰太和城在點蒼下  
周十有餘里昔蒙歸義王皮羅閣自蒙舍徙河西乃築此  
城

趙州 趙賧 天水

漢屬永昌郡唐為姚川境蒙氏為趙賧夷語賧若州皮羅  
閣置趙郡閣羅鳳改趙州 明因之仍趙賧皮名也侍郎  
張志淳新建趙州城記趙之地舊名賧賧自蒙氏以封趙  
氏而始有趙之名自段氏改天水而始有郡之名自胡元  
入主中國而始有州之名



雲南縣

匡州品甸

白子

漢置雲南縣雲南二字始此元爲雲南州 明仍爲雲南縣義與省同

鄧川州

大釐澄備

澄賧德源

漢爲楛榆縣地唐爲澄備州後爲澄賧詔所據南詔併之置鄧川賧元至元中改爲鄧川州仍詔名也 明因之唐書曰澄賧詔其王豐咩初據澄賧爲御史李知古所殺子咩羅皮自爲澄川州刺史治大釐城歸義襲敗之復入澄賧與浪穹施浪合拒歸義既戰大敗歸義奪澄賧咩羅皮走保野共川死子皮羅鄧立皮羅鄧死子鄧羅顛立鄧羅

顛死子顛又託立南詔破劍川虜之徙永昌鄧川寧北峭山深塹號爲險要州治詔東有德源城唐六詔時鄧賧詔居之南詔既強有并五詔之心六月廿五日星回節南詔召五詔燕會鄧賧妻慈善者哲婦也逆知其謀止夫無往夫曰勢不可已婦乃作鐵釧約夫臂戒之去既而南詔果焚之詳曰五詔醉失火焚死各詔骸骨無從辨認獨慈善輿夫屍而去南詔聞其哲因迫娶之慈善詳許俟吾葬夫百日乃嫁遂閉城自固南詔發兵圍之應曰某非忘夫事讎者三月食盡乃盛衣粧西向自縛於一座竟以饑死臨卒曰吾往訴夫冤於上帝南詔聞之悔曰悞逼此貞節婦



乃旌其城曰德源城

浪穹縣

彌茨

浪劔

漢為樸榆縣地蠻名彌茨乃浪穹詔所居之地也唐初為南詔所侵其王鐸羅望戰敗移保劔川更稱浪劔貞元中南詔併之立浪穹州元至元中改浪穹縣明因之仍詔名也唐書曰浪穹詔其王豐時死子羅鐸立羅鐸死子鐸羅望立為浪穹州刺史與南詔戰不勝挈其部寶劔川更稱劔浪死子望偏立望偏死子偏羅矣立偏羅矣死子羅君立貞元中南詔擊破劔川虜羅君徙永昌凡浪穹遼賧施浪總謂之浪人亦稱三浪施浪詔其王施望欠居矣直

和城有施各度者亦八詔之裔據石和城閣羅鳳攻虜之而施望欠孤立故與咩羅皮合攻歸義不勝歸義以兵脅降其部施望欠以族走永昌獻其女遺南詔馬和歸義許之度蘭江死弟望千走吐蕃吐蕃立為詔納之劔川眾數萬望千死子千旁羅顛立南詔破劔川千旁羅顛走瀘北三浪悉滅唯千旁羅顛及矣川羅識子孫在吐蕃

賓川州

樸榆楚場

漢為樸榆地唐姚州蒙氏太和楚場地元為太和趙州雲南明弘治七年割太和趙州雲南建設賓川州金沙江別



流一者白沙江又名孫水司馬相如定西夷橋孫原即此  
水也蓋州之義以此都御史郝應龍賓川紀懷詩何人築  
此安得城營壘猶傳諸葛名水界金沙橫地險山聯玉帶  
勢天成

雲龍州

元舊雲龍甸至元末立雲龍甸軍民總管 明置雲龍州  
仍甸名也

右大理府領州四縣三

臨安府

甸甸

通海

三代時為甸甸國漢置甸甸縣蜀漢屬興古郡唐為羈縻

牂州地天寶末沒於南詔置通海郡都督府宋初大理段  
氏改為通海節度尋改秀山郡後復為通海郡阿棘部蠻  
居之元至元初改臨安路 皇明洪武中改臨安府或曰  
其地近安南郡臨安南也

建水州

步頭

唐時為烏麼蠻地舊在府治之南近接交趾雲南極邊治  
故建水城古稱步頭亦云巴甸元和間蒙氏始城之每夏  
秋溪水漲溢如海夷謂海為惠劇漢語曰建水元初至元  
中改建水州 明因之府城南有建水池舊龍居之其水  
色碧居民環處



石屏州

異龍未束

唐時其地有澤曰異龍湖內有三島烏麻蠻始居一島築末束城宋時阿棘蠻奪據之闢地得石坪聚為居邑因名石坪邑後訛為屏明改石屏州

阿迷州

阿甯

漢以前蠻名阿甯訛為阿迷元初立阿甯萬戶府明立為阿迷州

寧州

沈黎步雄

晉梁為南寧州地唐初析置西寧州又置黎州天寶末沒于蠻地號浪曠夷語謂旱龍也步雄部蠻此麼徒據之後

屬蠻酋阿幾以浪曠割與寧酋豆圭元憲宗四年寧酋內附置寧部萬戶後改寧海府至元中改寧州明因之仍寧酋名也

通海縣

阿赤尼即

唐蒙氏立為通海郡宋段氏改秀山郡復立通海郡元初置通海千戶至元中改為縣縣北三里有通海湖縣以湖名也源自河西流注為湖周圍八十里如環而缺其東南相傳昔水滂不通有僧於縣治東北石筍叢立處以杖穿穴洩其水因名曰通海有韓宜可詩江寒鳧鴈集汀沙半掩柴門夕照斜洞江烟嵐連野火城頭鼓角雜寒笳猿聲



常嘯林間月鴉背輕翻樹杪霞幾度扶筇翹首望青山隱  
隱隔天涯

河西縣 西宗 碌磧

唐初於姚州南置西宗州領三縣河西其一也元至元十  
三年改為河西州屬臨安路後改為縣縣東南有碌磧河  
即通海湖源也自水磨村流注縣境為湖周圍八十里許  
內產魚類非一其味亦美元史云縣在杞麓湖之南夷名  
其地曰休臘

嶒峨縣 嶒倪

唐時為嶒倪蠻所居名嶒峨部阿棘蠻酋逐嶒倪據其地  
元初其孫阿次內附以其部立千戶至元十三年改為州  
二十年降為縣 明改為嶒我縣縣西北四十里有狛狛  
寨元時建縣所在兵燹後基址尚存

蒙自縣 目則

唐時地接建水縣境有山名目則漢語訛為蒙自有故城  
百夷所築南詔時以趙姓名守其地宋段氏時為阿棘蠻  
所有元初內附置蒙自千戶所後改為蒙自縣 明因之  
目則山在縣西三十里橫列二十餘峰多恠石巉巖有何  
應春詩云萬疊峰巒紫烟重來生意滿田園清風泉自  
龍湫發落日人從鳥道旋遠浦新晴飛白鷺疎林殘暑咽



寒蟬夷民村落常更置幾處荒基蓋草茅

右臨安府領州四縣四

永昌府 哀牢 欄倉

古為哀牢國九隆氏居之漢永平中立瀾滄郡尋改永昌

郡元至元十一年置永昌州十五年為府 明洪武十五

年仍置府景泰中設鎮嘉靖初疏 請罷鎮復設軍民府

漢書曰永昌郡明帝永平二年分益州置廣志曰永昌一

郡見龍之耀日月相屬亦永永昌明之義耳

保山縣 不韋

東漢西南為哀牢縣境東北為不韋縣境 明嘉靖元年

置保山縣縣有太保山也山在府城正西郡之鎮山也其

得名不可攷魏戡東向高九十丈有奇橫岡二里許洪武

間增築新城羅此山於其內山巔平廣可習騎射嘗有掘

地者於此得巨磚甚多俱有平好二字周遭林木蒼翠烟

雲變態足為奇觀又保山斷脉在府城昔孔明於太保山

過脉處掘深三丈餘以鐵物間之防夷叛也

騰越州 越 軟化

周為哀牢國境名越賧唐置羈縻州開元中蒙氏異牟尋

即其地立軟化府其後白蠻徙居之宋屬段氏改騰衝府

元至元十一年改騰越州及置騰越縣十四年改騰衝府



明洪武三十二年改騰衝守禦千戶所正統十四年陞騰衝軍民指揮使司嘉靖二年復置騰越州合越賧騰衝而名也

永平縣

博南勝鄉

東漢置博南縣屬永昌郡晉因之後改永平縣 明因之西南永平之義也

右永昌府領州一縣二

楚雄府

威楚銀生

砮碌

晉咸康中置安州尋罷入益州遂為雜蠻耕牧之地夷名砮碌後蠻酋威楚築城居之名威楚元至元八年改為威

楚路後置威楚開南等路宣撫司 明洪武十五年改楚雄府威楚會名更威為雄

楚雄縣

威州

唐蒙氏為安州威楚縣後為蠻蠻所據元為威楚縣 明改為楚雄縣義與府同

廣通縣

路賧

唐初古路賧地後沒於蠻南詔立為路賧縣元至元中改廣通縣 明因之

定遠縣

西濮

牟州

元初置牟州千戶至元中改定遠州尋改州為縣 明因



之遠人安定之義也

定邊縣 南澗

唐特為濮落蠻所居地曰南澗元置定邊縣 明因之縣前有定邊河發源於蒙化府羅立場五六月其水洶湧無渡縣以河名也

碣嘉縣 虛初 黑初

唐本夷獠所居地曰虛初五代為段氏所據元世祖兵出蕭關滅段氏赦段智興封為摩訶羅於黑初山下設寨自守時有大星隕於山巔化為黑石人咸異之遂名碣嘉以石名也元至元間改寨為碣嘉千戶所後為縣 明因之

黑初山在縣西高千餘仞五峰並列連亘百里下有一石狀若冬瓜其色如鐵土人呼為黑初今移石置縣治前

南安州 摩芻

唐為黑蠻蠻所居地寨名摩芻元置摩芻千戶至元中改南安州 明因之滇南安定之義也

鎮南州 欠舍 鷄和

元初置欠舍千戶石鼓百戶至元中改欠舍千戶為鎮南州 明仍之滇南鎮定之義也

右楚雄府領州二縣五

曲靖府 味縣 西爨

人 中 卷之三 古 曹



漢為夜郎味縣地隋置恭州協州唐置南寧州及改恭州為曲州分協州置靖州唐書云析協州置靖川分協二縣則靖似川名也元至元間改為曲靖路明洪武中改為曲靖軍民府合曲州靖州名也

南寧縣

磨彌

唐初置南寧州以爨歸王為都督天寶末沒於蠻元至元中陞南寧州後改為南寧縣明因之滇南平寧之義也亦佐縣宛溫

霑益州

西平

漢為牂柯郡宛溫縣地元初置磨彌部萬戶至元中改置霑益州明因之元公孫輔有入霑益亂後傷懷詩云驅馬霑益川南望滇海頭向來繁華地變滅如浮漚則霑益似以川名也

陸涼州

平夷

漢牂柯郡平夷縣地元初內附置落溫千戶所屬落蒙萬戶至元中改置陸涼州明因之州有陸涼海州處海之上也

馬龍州

納垢  
羅直



唐名撒匡棘刺居之後盤瓠裔納垢部逐舊蠻而有其地  
置羅首元至元中改馬龍州即舊馬龍城也 明因之

羅雄州

唐為塔敵納夷甸相傳盤瓠六男其一曰蒙由丘後裔有  
羅雄者居此甸至其孫普恐名其部曰羅雄元至元中割  
夜郎直部為羅雄州 明因之羅雄以酋名也

右曲靖府領州二縣四

澂江府

俞元

漢元封初置俞元縣唐為南寧昆二州地天寶末沒於蠻  
號羅伽甸蒙氏置河陽郡元置羅伽萬戶府後改為澂江

路 明洪武十五年改為府府城南十里有撫仙湖周圍  
三百餘里北納諸溪流南受星雲湖泓涵清澈一碧萬頃  
澂江之名以此玉筍山撫其上宛如仙人故名中產螭螂  
魚尾間東會鏤池盤江達南海知府王彥仙湖泛月詩湖  
水涵虛混太清仙人何代不知名澄波混漾青山落遙漢  
昭回寶月明素魄每添吟客興流光休動故鄉情相看欲  
洗浮名利獨倚南樓到二更星雲湖在江川縣南周圍八  
十餘里東流五里入撫仙湖兩湖相通澂江志云東跨腸  
溥西倚湧枝面撫仙而背羅藏山水明秀之地玉諍有澂  
江清風亭詩愛爾澂江千頃波澄清撓濁定如何水心亭



謝塵置外莫似西湖溷綺羅則激江似以二湖釋名

河陽縣

羅伽

唐時麼些蠻所居之地後為判蠻奪而有之南詔於此置河陽郡元至元中改河陽州尋降為縣明因之縣在撫仙湖之陽也

江川縣

易籠  
步雄

漢時名碌雲異又名易籠唐蒙氏徙曲旺蠻居此以白蠻守治之宋時段氏以此麼徙蠻子孫分管其地名步雄部元至元中改江川州尋降為縣明因之縣在星雲湖北江川即湖水也

陽宗縣

強宗

唐麼些蠻居此號強宗因名部後訛為陽宗部元初蠻酋盧舍內附置陽宗千戶所至元中改為縣明因之縣有陽宗湖源出羅藏山下流入盤江周七十餘里兩岸陡絕山水黑色魚味甚美

新興州

求州

漢為青蛉弄棟二縣地梁為土人爨瓚據之分為西爨地宋時段氏徙麼些徙蠻居此元置部傍普舍二千戶所至元中改部傍千戶為休納縣又於休納置新興州明因之新興新創之義也



路南州

路甸

唐為昆州地夷名路甸元憲宗時置落蒙萬戶府至元中改為南州明因之仍路甸名也

右澂江府領州二縣二

蒙化府

白國蒙舍  
陽瓜

初天竺張仁果據此號白國傳至樂進求遜位於蒙氏細奴邏號蒙舍詔改稱南詔後徙太和城蒙舍為舊都永泰初改為陽瓜州宋時段氏改開南縣元至元十一年改蒙化府仍蒙舍名也明洪武初為州正統間陞府府城北一十里有蒙舍城天寶間閣羅鳳以其子鳳伽異為州刺

史今遺址尚存

鶴慶軍民府

鶴川  
鶴柘

唐初為越析詔之地夷名漾工一名鶴川開元末屬南詔置謀統郡段氏改謀統府元為鶴州後陞鶴慶府尋改為鶴慶路明洪武十五年改路為府後又改為鶴慶軍民府府有漾共江一名鶴川濶十丈餘源出麗江界經府治東南象眠山麓群山環合水無所洩瀦而為湖又名漾共湖入石穴復出名腰江東與金沙江合元史云地近龍尾鶴柘今府即其地也

劍川州

劍浪  
劍湖



漢為義督羅魯城羅魯西夷云海也一名劔川昔浪穹詔與南詔戰敗走保劔川改稱劔浪詔後為南詔所併置劔川節度元至元中改劔川縣明陞為州州南五里有劔湖周六十里湖尾遠流羅魯城南經樣備與洱水合歷車里八百等處入南海俗呼為海子州南十五里有劔川即湖尾水曲流為三折形如川字州以此得名

順州 牛賧

唐地名牛賧昔順蠻居之元至元間改牛賧為順州 明因之

右鶴慶軍民府領州二

姚安軍民府

姚府西濮

唐置姚州都督以其民多姓姚者故名天寶間南詔蒙氏改為弄棟府段思平改為統矢邏又改姚府至元十二年改置姚州天曆元年陞姚安路 明改路為府後又改姚安軍民府

姚州 弄棟

唐為姚州郡宋段氏改姚府元至元間改姚州天曆初為姚安路 明置姚州義與府同

大姚縣 蜻蛉濮州

唐置西濮州後更名髶州宋大理段氏屬姚安夷名大姚



堡元初置大姚堡千戶所至元間改大姚縣 明因之縣  
有大姚河源出書案山西流至大姚縣與鐵索箐合流經  
州復統縣煉北入於蜻蛉河

右姚安軍民府領州一縣一

廣西府

阿盧豆勿  
阿盧豆吳

古滇國東南境漢為益州牂柯郡地蜀漢屬興古郡晉時  
屬益州隋屬牂州後為東爨烏蠻彌鹿等部所居唐為羈  
縻州後師宗彌勒二部浸盛蒙氏段氏莫能制元至元十  
二年置廣西路 明改為府舊志云東瞰廣西南拒交趾  
廣西之名以此

師宗州

匿弄  
落蒙

宋時爨蠻逐獠獠等居之其後有師宗者據匿弄甸號師  
宗部元初隸落蒙萬戶府至元中以本部為千戶總把領  
阿盧豆勿阿盧豆吳四千戶屬廣西路後改置師宗州  
明因之仍師宗部名也

彌勒州

古輪

宋時些麼徙蠻之裔彌勒得郭甸巴甸部籠而居故名其  
部曰彌勒元至元中以本部為千戶總把領古輪裏惡安  
籠阿欲四千戶屬廣西路後改置彌勒州 明因之按阿  
彌陀經疏鈔云阿逸多者此云無能勝即彌勒菩薩也彌



勅此云慈氏姓也阿逸多名也具足當云慈無能勝以在  
母胎中即有慈心故以名族又過去生中遇大慈如來願  
同此號即得慈心三昧又昔為婆羅門號一切智於八千  
歲脩習慈行又弗沙佛時與釋迦如來同發菩提心常習  
慈定又思益經云衆生見者即得慈心三昧又悲華經云  
發願於刀兵劫中擁護衆生是則慈隆即世悲臻後劫至  
極之慈超出凡小故無能勝據佛說彌勒爲佛姓此以名  
州豈彌勒佛生於此地邪

宋書維摩州

卷中

元立維摩千戶隸阿迷萬戶至元中以本部爲千戶總把

領維摩屈中二千戶隸廣西路後改爲維摩州明因之  
州有小維摩山在維摩州東北八十里高可千仞有大維  
摩山在維摩州東南一百里高出衆山土官革居其上今  
土官革去土舍仍居之州以山名也按維摩詰所說經云  
毗邪離大城中有長者名維摩詰已曾供養無量諸佛深  
殖善本得無生忍辯才無礙遊戲神通逮諸總獲無所畏  
降魔勞怨入深法門據佛說維摩詰是毗邪離城中長者  
此以名州豈維摩詰生於茲土邪通志云府城西五里有  
阿盧洞前洞深邃莫窮中有雕欄寶塔鐘鼓臥牀佛龕之  
異若然佛生於茲未可知也



右廣西府領州二

尋甸軍民府

新丁亦仁德

古滇國地昔棘刺蠻居此號仲割溢源部後烏蠻名新丁者奪之其後遂號新丁部後語訛又為仁地部或云蒙氏為尋甸段氏改仁德部元置元初置仁德萬戶府後改仁德府明洪武中改尋甸軍民府原名新丁訛為仁地尋甸與仁地音亦相似又惡知非訛邪或云雲南名甸者甚多恐故甸名也

武定軍民府

羅婺

宋時大理段氏使烏蠻阿厠治此其後裔孫法尼浸盛併

納滇脫共籠等地以其遠祖羅婺為部名一名羅武元憲宗四年內附置羅婺萬戶府尋改武定路明改為武定軍民府元以武功定西南也

和曲州

巨蓬

元初改巨蓬甸曰和曲至元中陞為和曲州明因之

元謀縣

華竹環州

舊名華竹又名環州元至元中置元謀縣本朝因之

祿勸州

洪農

元至元中以洪農祿券甸置祿勸州領易籠石舊二縣明以易籠縣省入州正德間又以石舊縣入祿勸仍昔祿



券旬名也

右武定軍民府領州二縣一

景東府

拓南  
開南

三代徼外荒地名曰拓南蠻名猛谷又云景董為昔樸和泥二蠻所居蒙氏立銀生府後金齒白蠻侵奪其地移府治於威楚遂為生蠻所據元中統三年討平之至元十二年置開南州 明洪武中改為景東府府西有景董山昔為酋寨今立衛城其上

元江軍民府

惠籠  
因遠

古西南夷地今元江在梁州之西南又當在黑水之西南

也阿贊諸部蠻自昔據之憲宗四年內附七年復叛率諸部築城以拒命至元十三年遙立元江府以羈縻之二十五年命雲南王討平之割羅槃馬籠步日思麼羅丑羅陀步騰步渴台威台陽設栖彌陀十二部於威遠立元江路明洪武十五年改元江府永樂四年改元江軍民府府有禮社江一名元江源自白崖江合瀾滄江流遶府城東南入南安州

麗江軍民府

越折  
麗水

唐為越折詔貞元中屬南詔於此置麗水節度至元十三年改置麗江路 明洪武十五年改麗江府後改麗江軍



民府府有金沙江古名麗水源出吐蕃界犁石名犁水訛  
犁為麗經巨津寶山二州江出沙金故名元憲宗三年征  
大理從金沙濟江即此

通安州 定作三賧

元初置三賧管管民官至元中置通安州 明因之蠻夷  
通道而安寧也

寶山州 邪龍

元至元間置寶山縣尋陞為州 明因之州北八十里有

瑪蘭閣山豈雲南山中多寶故以名縣邪

蘭州 博南 瀾滄

宋大理段氏始置瀾滄郡以董慶者治之後有周姓者強  
盛遂與董分為二部以江為限元內附至元間置蘭州

明因之州有瀾滄江源出吐蕃嗟歌旬流經蘭州西北三  
十里東漢永平中始通博南山道渡瀾滄水行者苦之歌  
曰漢德廣開不宿度博南越蘭津度蘭倉為他人即此元  
史云州在蘭倉水之東也瀾滄或作蘭倉或作瀾滄

巨津州 九賧

唐為羅婆九賧濮獵二蠻所居後麼些蠻奪其地南詔又  
併之元內附至元間于九賧置巨津州 明因之蓋以鐵  
橋自昔為南詔吐蕃交會之大津渡故名鐵橋在州北一



百三十餘里跨金沙江橋之建或云吐蕃或云隋史萬歲及蘇榮或云南詔閣羅與吐蕃結好時置吐蕃嘗置鐵橋節度後異年尋歸唐與韋臯合兵破吐蕃斷鐵橋即此也橋所跨處穴石銅鐵為之遺址尚存冬月水清猶見鐵環在焉

臨西縣 刺繆

唐為廢此詔之地元至元間以其地西鄰吐蕃境置臨西縣 明因之

右麗江軍民府領州四縣一

廣南府 上路城

宋時名特磨道儂智高之裔居之元至元間立廣南西路宣撫司 明洪武十六年廣南府府東一百二十里至廣西泗城州界南六十里至古器野界西一百五十里至廣西府維摩州界北二百四十里至泗城州界府在廣西之南也

富州 安寧

元至元中置 明因之郡志其地多儂人沙人習俗儉約男女皆事犁鋤又有鹽井之利故民稍富足

右廣南府領州一

順寧府 慶甸 百樸



地曰百濮孟津之會濮人與焉濮訛爲蒲舊名慶甸蒲人居之歷漢唐宋不通中國雖蒙氏段氏亦不能制元泰定間始內附天曆元年置順寧府 明因之初有名猛關者大兵平南歸附授本府知府沿襲迄今猛廷瑞蓋六傳矣世相弒奪萬曆二十七年改土爲流府東有順寧河源出甸頭村山箐內流入大候孟佑河即府之帶水也

雲州 大候

雲州故大候也始蠻名猛祐元中統初內附屬麓川路我明置長官司尋改爲州正統間思任寇定邊入其州州酋隨靖遠有功 命世守之赦學其後也其地分上下衙下

衙學居之學驚不受制於赦治兵相攻倚其睿廷瑞力遂信然據雲夢而逆命焉二十五年討平之二十六年以雲夢置新州名雲州仍雲夢故名也

右順寧府領州一

永寧府 樓頭

古名樓頭賤地接吐蕃又名峇藍麼些蠻祖泥月烏逐出吐蕃遂居其地唐時屬南詔蒙氏後爲麼些蠻所據宋時屬大理段氏元世祖駐日月和即此憲宗三年內附至元十四年置茶藍管民官十六年改置永寧州 明永樂四年陞爲府西南永寧之義也



鎮沅府

銀生案板

古西南極邊地濮落雜蠻所居唐南詔爲銀生府後爲金齒白夷侵奪元初內附立威遠州以刀氏知州事屬威楚路明洪武初歸附三十三年酋長刀孟混叛討平之設鎮沅州以元江府千夫長刀平領州事永樂初以功陞府授平知府元江即禮社江在元江府鎮沅之名以此

北勝州

戰國兩漢屬白國時鐵橋西北有施蠻者據之唐貞元中南詔異牟尋始開其地名北方賧徙昆彌河白人及羅羅摩此處以實其地號劔羗又名其地曰成偈賧又改名善

巨郡宋時大理段氏以高大惠治之改爲成紀鎮元憲宗三年其酋高俊內附至元十五年置施州十七年改北勝州明因之猶北方賧之意也

浪蕓州

羅共五浪

唐時地名羅共賧羅羅麼些三種蠻世居之元憲宗時內附至元中以羅共賧置浪蕓州屬麗江路後改屬北勝府明洪武十五年屬鶴慶府二十九年改屬瀾滄衛州有五浪河在城西五十里源出四川

新化州

善巨成紀

舊爲馬龍他部二甸阿楚諸部蠻自昔據之元憲宗時內







